

**Jubilæum Sæculare Ecclesiæ Catholicæ Per Septendecim  
Sæcula Militantis & Triumphantis Contra Idololatriam,  
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,  
tyrannos, hæreses, schismata, errores, & scandala ; Ex Annalibus  
Ecclesiasticis collectum Pro Xenio Oblatum Academicæ Sodalitati  
Dominorum B. Mariæ Virginis Annunciatæ Herbipoli, Anno ...

**Herbipoli, 1700**

Decas I. Ab anno 500. ad 510.

---

[urn:nbn:de:hbz:466:1-64756](#)



# SÆCULUM SEX TUM,

Continens res in Ecclesia  
memorabiles, quæ contigerunt ab  
anno 500. ad annum Christi

600.

## DECAS I.

\* Ab anno 500. ad 510. \*

501.  Uinto Sæculo revoluto,  
& sexto ineunte, Syno-  
di duæ celebratæ sunt  
Romæ, una in Basilica  
Julij, altera in Basilica

Hierotolymitana Sessoriani, in quarum  
postrema damnatus est Laurentius Anti-  
papa, postquam violentâ irruptione & in-  
fano furore in Symmachum & justæ causæ  
ejus patrocinantes multùm tumultuatus  
esset, Symmachus autem objecta crimina  
apud Clerum Romanum ita diluit, ut de  
invidia gloriösius triumpharet, cuius mo-  
destiam & Sanctitatem ipse Theodoricus

A

(quod

(quod admireris in barbaro Gotho & heretico Ariano) reveritus protectorem se potius quam persecutorem exhibuit, atque præferendum ambitioso & crudeli æmulo significavit.

Constantinopoli Anastasius Aug. populum (qui illum ut hereticumaversabatur) de more ad Circenses ludos invitatum per satellites suos immissostrucidavit, ac triamplius, civium millia obtruncavit; flices illos, nisi a capite suo schismate divulsi & Acacii ipsorum antecessoris Episcopi communione labefactati fuissent, Martirii enim causa non defuit. Quare sibi deinceps Imperator à populo metuens, jussit ut deinceps litanias & supplicationes Evarchus cum militibus armatis sequeretur ad tumultum populi arcendum, quo potissimum ejus impium caput appetebatur.

\* (502.) \* Hoc anno Quarta Synodus Romæ celebrata est in causa Symmachij ejusque electio confirmata. Crimen porrò, quod per calumniam Sanctissimo Pontifici inflatum fuit, colligitur ex Ennodii apologetico adulterium fuisse, quæ causa postmodum Pontificem & Synodum movit, ut juberent Episcopos omnes secum contubernales Clericos habere, vitæ sua actionumque testes, ad similes maledicō-

run

rum calumnias amoliendas, vocanturque tales contubernales Cellulani seu Concellanei. In eadem Synodo abolita est Odoacris Heruli sanctio ne Pontifex crearetur sine Regis consensu, additum decretum de non alienandis Ecclesiæ bonis: dictum adversus Anastasium hæreticum Imperatorem anathema: Acclamatus Theodoricus, *Piissimus vel Sæcylus licet hæreticus,* quod ejus operâ non tantum ecclesiæ tranquillitas, sed & libertas fuisset restituta. Ad dictum denique decretum de non alienandis Ecclesiæ bonis.

Ex Symmachî Papæ Epistola ad Cæsarium Arelatensem data de Ecclesiæ possessionibus non alienandis colligi potest Ecclesiasticorum beneficiorum origo: cum enim Clerici solerent ab Ecclesia per Episcopum mensibus singulis vietûs causâ meritam stipem accipere, postea factum est, ut eorum aliquibus Ecclesiæ possessiones quoad viverent ab ipso Episcopo concederentur, quæ Beneficia dici cœperunt, eò quod (ut habet Symmachus in ea Epistola) bene meritis tantummodo ea concedi liceret.

\* (503.) \* Rursus Romæ coacta Synodus contra Schismaticos & Symmachii

4.

Ab anno 500. ad 600.

approbationem calumniantes: quibus tamen ipse ignosci impetrat.

Anastasius Imp. qui perenne Ecclesiæ bellum indixerat hoc ipso tempore vix dum à Persis Pacem auro redemerat, eandem à Barthis, qui Pontum invaserant, prelio iterum mercari debuit: & cum bellis ferè continuò, novis & novis surgentibus occuparetur ab infestatione Orthodoxorum eosque abstinuit, ut si modicum quietis ab occupationibus bellicis nanciscere- tur rursus Ecclesiam armatus infestaret.

\*(504.)\* Celebrata hoc anno Sexta Synodus à Symmacho in qua de Ecclesiæ bonis restituendis, actum est, quæ multi quamvis ex Regia munificentia possidebant: & Synodi sententiam quod mirum videri potest, ita Rex barbarus non ægrè rulit, ut suis quoque ea de re litteris ratam habuerit. Qui etiam sub idem tempus magos inquiri jussit, cuius criminis quoq; Senatorii Ordinis complices inventi fuere iisque urbe expulsi, & alii Romæ igne cremati sunt.

Eodem tempore nova à Rege Vandalo Trasamundo apud Africam persecutio excitata est, qua ducenti & amplius Episcopi in Sardiniam relegati sunt: ex eo factum memorant, ut D. Augustini Corpus clām ut

ut licuit exhumatum eam in Insulam deferretur : porrò inter exilio multatos Episcopos Sanctimoniam ac doctrinam clarior fulgentius Ruspinæ seu Ruspensis Episcopus enituit.

Eximiæ virtutis specimen circa hæc tempora exhibuit S. Galla quæ avis atavisque Consulibus orta , & deliciis innutrita totam se pauperibus impendit, & cùm adolescentula viro adolescentे orbata esset, in monasterium secessit, cumque ei medici dicerent, nisi ad viriles amplexus rediret quod calore nimio contra naturam barbam esset habitura (uti etiam postea factum est) elegit tamen ipsa hanc deformitatem potius pati quam nuptiis iterum subiici, & virile hoc onus usque ad mortem feliciter sustinuit, quando ab apparente S. Petro ad cœlestem gloriam evocata est.

\* (505.) \* Manlius deposito consulatu Romano cum conjugé Sanctoris vitæ studio nuncium sæculo cùm remisisset, admirationi & exemplo orbi fuit.

Anastasius cùm finem non faceret Catholicos persecundi hoc anno Gothos Mundone Duce Roman. Imperii ditiones populantes propulsare armis præter mortem adortus, Sabinianum Consulem in eos

• *Ab anno 500. ad 600.*

immittit, qui belli aleam subire haud veritus internectione a barbaris deletur.

\* (506.) \* Hoc anno vivere desiit Genofeva Ecclesiæ Gallicanæ insigne decus.

Celebratum concilium Agathense in Gallia Narbonensi Alarico Visigothorum Rege permittente, qui hoc ipso tempore Theodosianum Codicem, visum prius ab Episcopis probatumq; per Anianum Cancellarium suum edendum curavit.

Anastasius magnâ excitatâ à populo Constantinopolitano seditione agitatur, propterea, quod in Palatio suo quædam monstra & ab imaginibus Ecclesiasticis aliena pingi curaverit: ex quo populi Religiosi zelum admireris.

\* (507) \* Clodovæus Rex Francorum zelo Religionis movet arma contra Alaricum Visigothorum Regem Arianum, quem feliciter vincit manu suâ & occidit, Tholosâ urbe & Alarici thesauris in eâ latentibus obtentis: cui etiam singulari auxilio cœlum militare visum est, quando Engilismam urbem oppugnaturo & ad invadendam urbem jam parato exercitu muri ejus Hierichuntinorum instar corruerunt.

Turonibus Clodovæus ab Anastasio insignia consulatus accepit & uno die Consul & Augustus salutatus est, in æde S. Martini

*Ab anno 500. ad 600.*

7

tini indutus tunicā Blatteā ac Chlamyde  
& diademate redimitus. Inde Parisios ve-  
nit, fecitque eam regni sui sedem.

Constantinopolis rursus a populotumul-  
tuatum est, & circus ruinā & incendio de-  
formatus.

Anastasius Reliquias S. Bartholomæi A-  
postoli Anastasiopoli, munitione contra  
Persas ædificata, antea Daris appellatā, af-  
ferri curat, & ideo noctu ab Apostolo mo-  
nitus, dicente, subvertisse eum custodiā ci-  
vitatis suæ, quod ut somnium ipse quidem  
homo Manichæus sprevit, sed osorem re-  
liquiarum paulò post docuit eventus veri-  
tatem, Reliquias autem postea Roma ex-  
cepit.

\* (508.) \* Eluxit mira virtus S. Cæ-  
sarii Episcopi Arelatensis, quem Goths de-  
trusum prius in carcerem, inde Ravennam  
ad Theodoricum sub captivitate miserunt,  
a quo tamen benignè acceptus & cognita  
Sanctissimi Episcopi innocentia remissus  
est cum magnis muneribus, quæ ipse ad  
pauperes alendos & redimendos captivos  
impedit: solitus etiam sacra vasa frange-  
re, quæ famis ac publicæ egestatis tempo-  
re melius in pauperum manu, quam in al-  
taribus & Basilicis nitent.

Clodovæus febre vehementer confi-

A 4

Etatus

3 Ab anno 500 ad 600.

Etatus, à S. Severino Monasterii Agavensis Abbate attaetu casulæ suæ sanatur. Ideo Childeberthus Clodovæi filius in Castro Nantonensi, ubi vir sanctus postmodum expiravit, insigne construxit monasterium sanati patris & grati sui animi nobile monumentum.

\*(509.) Alamundarus Saracenorum Rex Arabiam & Palæstinam incursans, mortales innumeros captivos abduxit, qui tamen postmodum cum omnium admiratione Christiana sacra suscepit.

Refert Anastasius Sinaita, cùm apud Damasum Saracenus quidam templum S. Theodori cum aliis viginti ingressus sagittam in ejus imaginem emisisset, & dextrum ipsius humerum transfixisset, contumè sanguinem copiosum è vulnere effluuisse, cumque nihilominus impoenitentes Saraceni miraculum contemnerent, omnes paucos intra dies acerbo morbo deletos esse.:

Contigere & alia quædam in Saracenum grassatione per Palæstinam & Arabiam mirabilia circa Monachos præsertim quorum unus à Leone contra barbaros custoditus est. Fuit ex Saracenis qui cùm S. Sabæ ferocitus insultasset, terræ hiatu ab.

*Ab anno 500. ad 600.*

absorptus est, quibus signis commotus  
Alamundarus Christo nomen dedit.

Occidentalis Ecclesia, per hoc tempus  
Catholico Principe aucta est Burgundio-  
num Rege Sigismundo, qui Alcimo Avito  
Episcopo Viennensi suadente perfidiam  
Arianam abjecit; & ut ditionem suam eā-  
dem peste purgaret, auctor Provinciæ  
Episcopis fuit, ut Synodum Epœunensem  
cogerent, in qua multa ad Ecclesiasticam  
disciplinam utilia sancita sunt.

\* (510.) \* Boëtius hujus anni Consul  
postquam annis 22. Athenis commoratus  
esset, Aristotelis opera quæcunque nanci-  
isci potuit, latinitati donavit, & multa insa-  
per suo ingenio elucubravit, de litteris  
litterarumque Seclatoribus optimè me-  
ritus.



## DECAS II.

\* *Ab anno 510. ad 520.* \*

511. **M**Acédonius Constantinopolita-  
nus Episcopus ab Anastasio Aug.  
in exilium ejicitur, & additur pœnæ ca-  
lumnia quasi ad Nestorianam hæresin ad-  
struendam eloquii Sacri contextum im-  
mutasset; depositio autem hæc & relega-

A S tio